

حكايات من المحاكمات الهزلية يرويها أحد المدافعين عن المعتقلين



الثلاثاء 23 سبتمبر 2014 12:09 م

نافذة مصر

عمر مصطفى غريب ابن الـ 16 سنة (نموذج لجيل النصر القادم)
دخل ذلك البطل إلى غرفة التحقيق مشدود القامة مرفوع الهامة ، شامخ الانف ، ترى الثبات والثقة واليقين في عينيه
رئيس النيابة : وكأنه مشغول لا يأبه بمن في الغرفة ... موجهها حديثه لسكرتير التحقيق " شوف يابنى القضية دي بتاعت ايه ؟؟ "
عمر : بكل ثقة وثبات ... انت مش فاكيرنى ولا ايه يا بيه .. ثم يتابع " أنا عمر غريب "
رئيس النيابة : ينتبه فجأة ... oooooooooooooo .. عمر غريب!!! وكأنه تذكر ما نساه .. " ايه اللي جابك تاني يا عمر ؟؟ "
عمر : غير آبه بما سماع .. " سيبك منى انا .. عملت ايه مع حازم ؟؟ "
رئيس النيابة : حازم مين ؟؟
عمر : حازم خليل .. اللي لسه طالع من عندك حالياً
رئيس النيابة : انت عايز ايه ؟؟
عمر : عايزك تخلى سبيله لأنه مظلوم وملوش علاقه بالتهم اللي انتوا متهمينه بيه
رئيس النيابة : أوعدك يا عمر إني أخلى سبيله
عمر : ما انت يا وعدتني ووعدت حازم نفسه ووعدت والده ووعدت والدى أنا كمان ومفيش أي وعد من دول اتحقق !!!
رئيس النيابة : وقد بدت الحمرة على وجهه انت بتتكلم كذا ليه ؟؟ .. انت متهم !! .. اتكلم عدل
عمر : وكأن الكلام لم يوجه إليه .. " أنا بتكلم عدل .. واسمع يا ... ويسميه باسمه .. والله العظيم لأنتقم منك وهيكون في الدنيا قبل
الآخره .. اوعى تفكر اننا زى الجيل الكبير هنعسب عليك ونسبكم .. ابدا والله لنتقم منكم في الدنيا قبل الآخره ..
رئيس النيابة : وقد غطت الحمرة والسواد وجهه وبدا الشر بين عينيه ... وهتنتقم منى ازاي بقى ان شاء الله ؟؟
عمر : صبرك بس بعد رجوع الدكتور مرسى قريباً ان شاء الله .. والله لأحبسك زى ما حبستنى وأي واحد ظلمنى لأرد مظلمتى بنفسى وأي
واحد ضربنى لأضربه زى ما ضربنى واللى كهربنى لأكهربه ... وساعتها انا مش هكون ظالم زيكم لأنكم بتضربونا وتحبسونا وتكهربونا
ظلم ... أما إحنا ساعتها هنكون بنقتص لنفسنا وده حقنا اللي ربنا شرعه
رئيس النيابة : سكت برهة .. ثم لم يجد رداً .. فتوجه للمحامي قائلاً ... ما تقول حاجه يا استاذ ؟؟
المحامي : والله انا مش لاقى حاجه أقولها .. لأنني بصراحه عذره .. دي خامس قضية يتحبس عليها وهو عمره لسه 16 سنة .. تخيل
حضرتك طفل لسه عمره 16 سنة يسمع عن الارهاب والارهابيين في التلفزيون فقط فجاءه يلقي نفسى بقى واحد من الارهابيين دول
بدون أى ذنب او جرم وكل ما يخلى سبيله من قضية يتلفقه قضية تانيه .. هقوله ايه يعنى !!
رئيس النيابة : وطلباتك يا استاذ ؟؟
المحامي : وقد أدار ظهر منصرفاً قبل أن يسمع السؤال ... انا مليش طلبات .